

邳城縣志

11/10/275

351

351-1-4

序

署 郟 城 縣 知 縣陽湖吳堦撰

郟城縣志始於前明萬歷十三年知縣顏若愚教諭邱問禮同輯續志創於清朝康熙八年知縣馮可參成於十二年知縣張三俊又續志稿創於五十年知縣荆文康成於五十五年知縣魏敬勝未刊行又續志創於乾隆十二年知縣王植成於二十八年知縣張金城縣人原任福建知縣王恒自金城至堦凡易令二十有二其中政令設施有與年之豐歉民氣之淳漓相爲感應者二三父老尙能言之况兵防田賦今昔增減同異之數與夫士女孝友貞烈之行之在人耳目者續修郟城縣志

序

哉堦以去年三月奉檄來權縣事自忘愚陋忘欲與民同好惡盡其職之所當爲終日猝猝無須臾之間今夫操本者佚逐末者勞古之人有彈琴歌風而風俗醇美獄訟衰息者果何術歟豈古今人不相及上與下有分任其咎者歟說者曰道德本也刑名末也是也猶有辨今試出一令曰爾母不孝於而親不遜於而長不孝不遜官有常刑而民之熟知之也久矣有人焉孝于親遜於長吾從而旌之而凡孝且遜者奮矣而凡不孝不遜者愧矣是則所謂名也名也者所以驅天下於孝親遜長之塗者也鄉曲自好之士名不入城市一旦有人焉爲之傳世而行遠有不油然而興者乎邑之有志也

善善從長惡惡從短大率上恬下熙無所事事相與網羅放失參考舊聞堦之來此宜乎有所不暇而遽允紳士王建元等之請則以爲轉移之微權當於是乎在因進其中長者屬以採訪之任得孝友若干人貞烈若干人吾友陸繼輅祁生方下第里居延至署齋相與分別門類上紀巡幸盛典蠲緩特恩旁求祠墓志告之文下錄賓朋題詠之作計得六七萬言罪戾至重遽傾慈蔭日月逾邁羈留未歸會祁生屬草已定遂勉爲之序吾聞聖人之言有諸已而後求諸人無諸已而後非諸人以堦之不孝而妄欲操筆進退一縣之賢不肖以求塞其揚清激濁彰善癉惡之責亦多見其不知量矣雖

續修郟城縣志

序

然人有以太牢饗客而自厭糠粃者主則愼矣客則未爲失也縣之人或因此舉而爭自致於孝親遜長之塗以求免夫不孝不遜之媿則今日之惡惡從短而諱言之者安知非他日之善善從長而顯著之者哉苦塊餘生猶願與郟民共勉之也至書之凡例條目祁生別有小序著于每卷之首祁生自以節母之子於序述列女尤詳慎云嘉慶十五年五月

續修郟城縣志目錄

凡例

銜名

巡幸志第一

田賦志第二

祭秩志第三

建置志第四

職官志第五

選舉志第六

人物志第七

續修郟城縣志

目錄

列女志第八

著述志第九

藝文志第十

續修郟城縣志凡例

一前志輯於乾隆二十八年癸未越三十年乙酉卽恭逢高宗純皇帝巡幸駐蹕行宮恩綸疊降天藻流輝恭紀篇端以昭誠敬

一星野疆域山川形勝之類概不複述蒙前志也

一前志立編年一門記兩陽占驗之事國家重熙累洽時和年豐間有蟲蝗水潦均不成災無庸續志

一郟縣爲東海郡治前志名宦并錄漢汲黯至北魏韋合宗二十三人是也今志職官斷自知縣以下

一前志儒林終於顏師古宋金元明四代名姓闕如蓋

續修郟城縣志 凡例

其慎也今相後僅四十餘年必欲得一二人追踪前哲反恐貽笑古人并乖公是

一郟城風雅盛于六朝參軍俊逸水部清華不知前志何以統號名賢不傳文苑今則嗣音不乏媲美爲難以俟後賢補茲缺略

一貞烈節孝並據採訪冊潤色成文卽羌無故實及年例稍有未符者亦著其姓氏庶幾慰艱貞於垂暮安烈魄于九原善善從長不遺片紙

一自后蒼以下諸儒其亡書卷帙及今本尙存著在欽定四庫全書目錄提要者別撰著述一門以爲好學

深思者勸

一前志距康熙十二年舊志九十餘年不得不并爲一書重付剞劂今相去較近舊刻未至漶漫亦緣經費不足遂定爲續志與前志相輔而行

一繕修梨棗之需出自樂輸未煩官帑其姓名錢數悉附末簡旣邑人好義之徵亦他日觀感之助云爾

續修郟城縣志銜名

主修

署 郟 城 縣 知 縣 陽湖吳 堦

總閱

郟 城 縣 教 諭 諸城宋靜中

署 郟 城 縣 訓 導 滕 劉聯奎

覆勘

郟 城 縣 典 史大興李朝煦

候 選 按 察 使 照 磨陽湖吳 鈞

生

員海鹽潘詒棠

續修郟城縣志

銜名

一

監

生陽湖黃昌慈

監

生陽湖錢南桂

採訪兼分校

滋

陽

縣

教

諭縣人劉汝嬰

舉

人縣人徐臨淵

縣人王祁明

縣人高淑賡

選

拔

貢

生縣人謝永平

恩

貢

生縣人李松年

歲

貢

生

鄉

飲

介

賓縣人喬嬰遷

歲

貢

生縣人李純

縣人焦貞吉

縣人王延樞

縣人張素旃

廩

膳

生

員縣人李聖瞻

縣人宋毓枋

縣人吳雲龍

縣人謝慶譽

縣人謝體仁

廩

貢

生縣人王調鼎

續修郟城縣志

銜名

二

增

廣

生

員縣人劉翼昌

縣人高揚勳

縣人顏懷卿

生

員

鄉

飲

大

賓縣人徐調綸

生

員縣人徐揆

縣人徐秉浩

縣人徐廷揚

縣人徐簡晉

縣人王永疑

縣人謝慶遠

縣人梁罄宜

縣人李奎五

縣人高連城

縣人孫用淑

縣人徐繼善

縣人張太初

縣人吳 實

縣人姚峻基

縣人吳越凡

縣人張文蔚

附

貢

生縣人王苑李

監

生縣人李德運

縣人謝鹿鳴

縣人王祁升

縣人楊天位

縣人李輝立

縣人徐用龍

職

員縣人王 璧

續修郟城縣志第一

陽湖陸繼輅撰

恭紀巡幸

昔在元符實載東封降及天禧天書是崇於維高宗德隆
三人侯不邁哉孕虞育夏帝曰省方民瘼是詢星雲麟鳳
元符勿陳天章煥炳湛恩龐洪萬物慕思與天無終志巡
幸第一

乾隆三十年

高宗純皇帝南巡二月初二日駐蹕郟子花園行宮奉旨蠲
免御路兩旁錢糧十分之三

乾隆四十四年奉有四十五年南巡諭旨巡撫國泰於問官
續修郟城縣志

卷一

巡幸

里增建行宮一座前建宮門一座五間東西朝房各五間內
東西朝房各三間中建垂花門一座三間大殿一座五間寢
宮一座十間後建樓三間東建御膳房十間過廳三間後照
房五間值房共七間西建軍機處五間東西配房二間御書
房一座五間曲尺房一座七間阿哥府前房一座三間後房
一座五間三折橋一座東西四方亭六方亭八方亭圓亭海
棠亭各一座通座併遊廊共一百七十七間

乾隆四十五年南巡二月十一日駐蹕問官里行宮御製七
言律詩一首郟子當年魯附庸那能近百里提封廟朝少皞
官述悉園去由旬里計重何事邊旁行館築更兼點綴曲池

溶雖云圖省駝裝費舍欲爲辭愧先悰御製七言楹帖一聯
滿窗松石無非古一屋煙雲總是春十二日駐蹕郊子花園
行宮奉旨蠲免御路兩旁錢糧十分之三欽頒御題平定西
域全圖二分御題平定兩金川全圖二分御題蘭亭石刻二
分佛像石刻一幀澄泥硯六方恭貯問官里郊子花園兩行
宮

乾隆四十九年南巡二月初五日駐蹕問官里行宮初六日
駐蹕郊子花園行宮奉旨蠲免御路兩旁錢糧十分之三
恭附蠲緩恩旨

乾隆三十五年萬壽六旬奉

續修郟城縣志

卷一

巡幸

二

恩旨普免天下地丁錢糧一次本縣奉文輪於三十七年免
徵

乾隆四十二年孝聖憲皇后升遐奉恩旨普免天下地丁錢
糧一次本縣奉文輪于四十四年免徵嗣于四十三年因東
省偏災又奉諭旨卽于本年先行蠲免

乾隆五十五年萬壽八旬奉恩旨普免天下地丁錢糧一次
本縣奉文輪于五十七年免徵本年又奉諭旨蠲免四十九
年五十年五十一年緩徵錢糧及五十年五十一年借給貧
民一月口糧

乾隆六十年奉諭旨蠲免山東全省歷年積欠錢糧倉穀嘉

嘉慶元年奉恩旨普免天下地丁一次本縣奉文輪于二年
免徵

續修郟城縣志

卷一

巡幸

三



續修郟城縣志第二

陽湖陸繼輅撰

田賦

孔式負版姬拜民數衛民庶哉佚居斯懼郟今大縣劇于附庸生齒既繁詎無哀鴻催科撫字何道之從皇清御宇久安長治減稅蠲租億萬萬計願良有司慎體聖意志田

賦第二

原額不分等則一例成熟併新墾地一萬五百九十九頃五

十七畝二分三釐

數目以釐爲斷
照現行例下同

共徵銀一萬六千六百五

十九兩五錢二分一釐

按前志載額地一萬五百八十三頃七十二畝二分三釐

續修郟城縣志

卷二

田賦

一

共徵銀一萬六千六百三十四兩六錢九釐乾隆二十八年恭錄硃批事案內陞科乾隆十八年勸墾地十頃七十二畝徵銀十六兩八錢四分八釐又乾隆三十四年奏聞事案內陞科乾隆二十四年勸墾地五頃十三畝徵銀八兩六分二釐較前志增地十五頃八十五畝增徵銀二十四兩九錢一分二釐

原額外成熟荒地十二頃一畝七分徵銀十一兩五錢四分七釐

原額成熟馬場租地二頃二十三畝四分七釐徵銀三兩五錢一分二釐

原額當差人丁一萬一千四百七丁徵銀一千三百六十八兩八錢四分又敬陳管見事案內增攤丁銀四百五十六兩三錢四分四釐共徵丁銀一千八百二十五兩一錢八分四厘

班匠攤徵銀三十六兩四錢五分

以上五項共徵銀一萬八千五百三十六兩二錢一分四厘按前志開載運軍行月加閏折色銀三十九兩六分六厘併入徵銀總數共開實徵銀一萬八千五百五十兩三錢六分八厘今按此項運軍加閏銀兩遇有閏月之年方應攤入地畝加徵至於每年額徵應照數刪除外加入

續修郟城縣志

卷二

田賦

二

新增陞科徵銀二十四兩九錢一分二釐覈與現徵銀數相符內應起運銀一萬二千二百六十一兩八分六釐存留銀六千二百七十五兩一錢二分八釐

起運地丁項下

一解司額徵地丁項下銀一萬一千七百二十二兩五錢五分四釐又

折徵本色項下棉花絨鋪墊腳狐狸皮牛角弓面等五項共銀五兩一錢五分七釐款目詳前志

一解司折色腳價銀三十四兩六錢

一解司舉人車價銀一兩五錢一分二釐

一解司黃丹腳價銀十一兩一錢四分二釐乾隆五十一年增

一解糧道銀四百八十六兩一錢二分一釐係漕糧項下
運軍行糧本府廣盈倉粟米折色銀兩按前志載粟米
折色銀四百八十五兩三錢六釐乾隆二十八年增銀
五錢五分一釐三十四年又增銀二錢六分四釐又前
志併載加閏行糧銀三十九兩六分六釐今按此銀須
俟有閏之年加徵隨解不應列入每年額解數內今刪
又前志此項結總銀數多開銀五兩一錢五分七釐覈
係悞將折徵本色歸併解司銀五兩一錢五分七釐訛
入總數歷次賦役全書相仍悞刊今改正

存留地丁項下

一坐支官俸役食銀一千五百七兩三錢三分一釐

知縣俸銀二十九兩二錢五分九釐前志載俸銀四十
五兩乾隆四十二年知照事案內奉文存於編俸項下
扣補荒糧歸入起運銀五十兩七錢五分一釐

本縣衙門門子皂隸作馬快民壯撥協通判民壯禁
卒轎傘扇夫庫子斗級舖司等十一項工食併孤貧月
糧花布各銀共一千二百兩三錢二分款目詳前志
主簿俸銀三十三兩一錢一分四釐前志載縣丞俸銀

四十兩乾隆四十六年改設主簿俸銀扣減

主簿衙門門子皂隸馬夫三項工食銀共三十三兩六錢三分款目詳前志

典史俸銀三十一兩五錢二分

典史衙門門子皂隸馬夫三項工食銀共三十三兩六錢三分款目詳前志

儒學教諭訓導俸銀八十兩

儒學齋夫膳夫門斗三項工食銀共六十五兩八錢五分八釐款目詳前志

一坐支驛站里甲夫馬銀四千一百八十五兩八錢三分

六釐

紅花埠驛走遞馬六十匹連閏草料銀一千一百十六

兩馬夫二十五名連閏工食銀三百十兩

飛遞公文馬夫二名連閏工食銀二十四兩八錢

抄馬牌子二名連閏工食銀二十四兩八錢又藥材獸

醫一名工食銀十二兩

鞍屨棚廠槽鋤等項銀五十六兩三錢八分六釐

供應中伙廩給口糧支銷銀一百五兩

縣城里甲驛走遞馬五十四匹連閏草料銀九百三十兩

馬夫一十五名連閏工食銀三百十兩